

KISIKISIROO LA KUMAKANO

Januwari karoo kono, 2010 saŋo la, fitinakuwo keta karambuŋo to, ì ka fo meŋ ye South Philadelphia High School, waatoo meŋ na, karandiŋ doolu ye karandiŋolu boyinkaŋ, menu mu tumarankewolu ti ka bo Asiya. Wo fitinakuwo koolaa bundaa, ì ka fo meŋ ye Philadelphia Commission on Human Relations (PCHR), wo le ye kisiroo kumaasi fitinoolu niŋ fatanfansiwo la kuwolu to, menu la daliiloolu si ke ñinnu le ti: Sii fatanfansiwo; balafaatoo la kulooro fatanfansiwo; musuyaa niŋ keeyaa fatanfansiwo; fatanfansiwo luutikankeeyaa la kuwo kamma la, waraŋ ka moolu fatanfansiwo menu buka ì faŋo muta kewo ti, waraŋ musoo; diina fatanfansiwo; nasiyoŋolu fatanfansiwo; dimbaayaalu fatanfansiwo; keebaayaa fatanfansiwo; lanjuuru fatanfansiwo; musutanayaa niŋ musutiayaa fatanfansiwo; koditiyaa niŋ koditanayaa fatanfansiwo. Moolu menu be looriŋ ñiŋ moo siifaalu la kafoolu ye, PCHR bundaa ye ì buuñaatoo kumandi ì la beŋ taŋ niŋ kiliiŋ ne to. Ñiŋ beŋolu daliiloo mu, ka siloo dii moolu la ka ì la miiroolu yitandi fitinakuwolu to, ì ye menu je keriiŋ kafundiŋolu teema Philadelphia saatowo la karambuŋolu to. Moolu menu ye ì daa bula ñiŋ beŋolu to, wolu le mu karambunto dindiŋolu alifaalu, karammoolu, karandiŋolu, ñaatonkoolu niŋ jamaa moo doolu. PCHR bundaa naata ka kuu jamaa je, meŋ keta tilimbaliyaa le ti, horomaŋtanayaa aniŋ saŋaroo, aduŋ wolu si moo kijoo fara, ì si moo dimindi, waraŋ ì si a bali karaŋo la. Moo keme niŋ taŋ saba naata seedeyaa la ka ì la miiroolu yitandi, aduŋ moo taŋ naani, menu daa te jee, wolu ye ì la miiroolu safee ka ì kii ntolu la, PCHR bundaa to jaŋ. Dà ñiŋ simfaa taa, kaatu n`ñantoo mu ka a je le ko, moo-wo-moo si karandiwo soto a ñaama, fatanfansiwo te jee. Wo mu ñantoo le ti, bankoo la luwaa ye meŋ londi. A maŋ ke maralikuwo waraŋ kodikuwo dammaa le ti, bari wo mu siiñooyaa hakoo fanar le ti.

Ñiŋ beŋolu to, n`naata seedoolu la kumoolu moyi kuwolu to, ì ka menu maabo ì sondomoo kono nuŋ. PCHR bundaa naata a je le ko, fitinakuwolu kafundiŋolu teema mu kuwo le ti, meŋ ka ke Philadelphia tundo la karambuŋolu to waati-wo-waati, aduŋ wo kamma la ì si feeroo landi, meŋ si karambuŋolu bee maakoyi. Fitinakuwolu - fo kuma jawoolu, fo boyinkandiroolu - ka ke karambuŋ jamaa le to. Seedoolu ye a yitandi ko, jamaa-jamaa bundaa meŋ marata karambuŋolu la ñiŋ tundo la, a buka a la dookuwo ke a ñaama: A buka karambuŋolu tanka ñiŋ fitinakuwolu la, aduŋ a buka fitinoolu baŋ noo. Seedoolu ye a yitandi ko, niŋ fitinakuwolu be keriiŋ, jamaa-jamaa moolu menu maŋ doolu la kaŋo moyi baake, ì buka ì la ñantoolu soto. Wo kuwo ka ke, hani luwaa ye a londi ko, kaŋo la kuwo maŋ ñar ì bali la ì la ñantoolu la. Sisteemoo meŋ loota, wo mu ka fitinamoo daa bondi karambuŋo to, fo karambuŋ-wo-karambuŋ te soŋ na fitinakuwolu la hani domandiŋ. Bari wo ñaa-wo-ñaa, seedeyaari koyoo naata a yitandi ko, ñiŋ kuwo buka fitinoolu baŋ, menu ka ke kafundiŋolu teema. Niŋ n`suulata ka kuluuroo laa karandiŋolu kaŋ, n`ñanta dankeneyaa la ko, wo maŋ ke halakoo dammaa le ti, bari a ka daajika betoo yitandi ñiŋ karandiŋolu la fo ì si kuluu sila kendoo la. N`naata a je le ko, jamaa-jamaa ì buka sila betoolu taa kuluuroo to, menu mu ka karandiŋolu niŋ ì kafuñoolu sindi ka kacia, ka karandiŋolu wakilindi fo ì si siiñooyaa hakoo muta kuu, aniŋ ka moolu diyandi fitinoo koolaa.

Hani wo, karandiŋolu ye kuwolu fanaa le fo, ì ka menu ke ka kayiroo sabatindi. Ì ko, kuu doolu diyaata le, aduŋ keebaalu ka ì maakoyi wolu to, niŋ ì lafiita ka fitinamoolu diyandi. N`naata a je ko, karambuŋolu be jee, karammoolu niŋ dookuulaa doolu ka kattoo ke baake daameŋ, ka kafundiŋolu diyandi aduŋ ka ke taamanseeroo ti horomoo la. Dà misaaloolu je jamaa la porokaraamoolu to, menu la kuwolu ka fondinkewolu bondi ñoo to, ka bo ì la kafundiŋolu le to, menu maŋ ke kiliiŋ ti.

Ñiŋ kuwolu si diyaa ñaa-wo-ñaa, bari ñiŋ bataakuu baa ka tu jee, meŋ mu fitinakuwolu kafundiŋolu teema. PCHR bundaa la jikoo mu ñiŋ ti ko, ñiŋ ripootoo aduŋ jaamaroolu menu safeeta jaŋ, si ñiŋ tundo la bundaa meŋ marata karambuŋolu la, kalamutandi niŋ wakilindi, fo ì si katakuu bee le ke fo moo-wo-moo ye horomoo niŋ siiñooyaa hakoo muta kuu saatee la karambuŋolu to, aniŋ ì ye Philadelphia fondinke siifaalu bee muta baadiŋ kiliiŋ ti.

KUWOLU MENNUN JETA KISIKISIROO TO

KUU FOLOO Fitinakuwolu kafundiŋolu teema mu bataakuwo le ti, meŋ ka ke daa-wo-daa Philadelphia saatewo la karambuŋolu to, aduŋ a ka karandiŋolu bali i la karaŋo la.

KUU FULANJADO Tundoo la bundaa meŋ marata karambuŋolu la, i la sisteemoo la semboo dooyaata le, kaatu a maŋ a yitandi noo, i si karambuŋolu tankandi niŋ fitinakuwolu la ŋaameŋ, waraŋ i si moolu diyandi noo fitinoo koolaa ŋaameŋ. Dookuwo buka ke ko sisteemoolu ye a landi ŋaameŋ, aduŋ niŋ sisteemoo la siloo maŋ koyi jamaa ye fo i si a fahaamu.

KUU SABANJADO Tundoola bundaa meŋ marata karambuŋolu la, i la sisteemoo ye a londi ko, i te soŋ na fitinakuwolu la hani domandiŋ, aniy kuluuroo ŋanta ke la a ŋaama, bari niŋ sisteemoo naata karandiŋolu janjandi fo i buka ŋaŋiya kilij soto. Bundaa maŋ katoo ke a ŋaama sila betoolu la, mennu be ko ka karandiŋolu wakilindi siiŋooyaa hakoo to, ka i niŋ i kafuŋoolu sindi ka kacaa, aniy ka moolu diyandi fitinoo koolaa.

KUU NAANINJADO Feeroolu mennu be looriŋ aniy joraŋolu be kerij kannasooroo la karoo la, i buka moolu londi a ŋaama wolu la, fo karandiŋolu bee aniy dimbaayaalu bee si a loŋ, muŋ ne mu i la ŋantoo ti kannasooroo la karoo la, ko luwaa ye a londi ŋaameŋ.

KUU LUULUNJADO Karambunto dindiŋolu faŋolu mu moo kummaayaariŋolu le ti ka fitinakuwolu kele aniy ka kayiroo sabatindi kafundiŋolu teema.

KUU WOORONJADO Karammoolu aniy jamaa la kafoolu si fondinkewolu kafu ŋoo kaŋ, aduŋ i si maakoyiroo ke kayiroo bundaa to karambuŋolu to.

KUU WOOROWULANJADO Seedoolu ye misaali betoolu dii, mennu ŋanta ke la joraŋolu ti ka fitinakuwolu kele Philadelphia saatewo la karambuŋo to.

KUU SEYINJADO Seedoolu ye yaamari kummaayaariŋolu dii, meŋ ŋanta ke la ka fitinoolu baŋ, aduŋ meŋ ŋanta ke la, niŋ moolu ye i siiŋoolu batandi i faŋolu la miiroolu kamma la, kaatu i niŋ wo doolu maŋ ke kilij ti.